

» obedientiae remanserit, et eos ut oves errantes ad ovile humi-
» litatis humeris reportare ac summi Dei exemplo in benigniorem
» partem inclinare, habita super his cum praefatis fratribus no-
» stris deliberatione matura, de illorum consilio praefatos Joan-
» nem Mocenigo ducem et tam Rogatorum quam generalis nun-
» cupati Consilii consiliarios, ac Commune Venetiarum universa-
» liter et singulariter singulos eorundem Consiliorum et Communis
» cives, ac qui exercitus eorum contra civitatem praefatam ferra-
» riensem, immo contra nos et praefatam Ecclesiam providitores
» existunt, et quorum nomina ac cognomina et designationes op-
» portunas pro expressis habemus, cives Venetiarum, nec non qui
» ejusdem exercitus ductor et capitaneus fuit et est, Robertum de
» sancto Severino, omnesque et singulos qui in locis ditionis dicti
» Herculis ducis aliquod gerunt officium, seu immorantur nomine
» eorundem venetorum et quoscumque alios qui eisdem duci,
» Consiliariis et Communi ad hujusmodi belli prosecutionem prae-
» stant quomodolibet auxilium, consilium vel favorem directe vel
» indirecte, publice vel occulte, eorumque complices et adhaeren-
» tes existunt, cujuscumque status, gradus, ordinis et praeminen-
» tia sint, ac quacumque dignitate et auctoritate praefulgeant,
» praefata auctoritate hortamur in Domino, requirimus et mone-
» mus, ac ipsis et cuilibet eorum per haec apostolica scripta prae-
» cipiendo mandamus, quatenus infra quindecim dies post afflictio-
» nem praesentium in valvis basilicae principis apostolorum de
» urbe immediate sequentes, quorum quinque pro primo, quinque
» pro secundo, et reliquos quinque pro ultimo et peremptorio ter-
» mino canonica monitione praemissa eis et cuilibet eorum assi-
» gnamus, dux, consilarii, commune, providitores, capitaneus et
» alii qui pro eis in dictis locis immorantur, a belli hujusmodi
» ulteriore prosecutione et omni hostili incursu in locis ditionis
» dicti Herculis desistant, occupata per eos dicti ducis castra, ter-
» ras et loca quaecumque cum suis juribus et pertinentiis et
» quaecumque alia bona et jura quae dictum Herculem ducem et